

tiae tribuatur, et demum in pauperibus Parœciis, ea omnino tenenda præscribatur mensura, ut Episcopi visitantes, iisdem nec oneri sint, nec offendicolo.—Hoc profecto moderamen adhiberi voluit ab Episcopis Alphonsus Noster Leg. 2 Tit. 22 Partit. 1.

Postremo, illud hic juvat subnectere, nimurum consueuisse Episcopos Diœceses visitantes suas, regios sibi adsciscere ministros, *Missos dominicos* sic dictos, ut fideles enormium criminum reos, vel invitatos publicæ pœnitentiæ subjicerent, vel etiam poenis corporalibus addicerent; tum ut quæ corrigi oportet, facilius corrigerentur; Syn. Mogunt. cap. 20: Hincmaris Rem. Tom. 2 pag. 151: Thomass. P. 2 Lib. 2 cap. 79. Quod ad imminutionem, vel usurpationem Ecclesiastice potestatis factum non est; sed tantummodo, ut Episcopalia decreta facilius exsequenterentur. Id quod et ipsi Beiges diserte fassi sunt: Lib. 2 Capit. cap. 17. *Ut si quos* (verba sunt Syn. Arel. an. 815 cap. 17) *Sacerdotalis admonitio non flecteret ad justitiam, Regalis potestas ab improbitate reduceret ad pietatem, et obedientiam.*

7. Danda est procuratio, non solum Episcopo, aut alteri, qui ejus loco diœcesim lustrat, sed etiam vicario capitulari, cui post annum à die postremo habitæ visitationis, diœcesim visitare licet (1); et datur ab omnibus, qui visitantur non tamen ab Ecclesiis civitalis, in qua Episcopus assidue commoratur (2), neque item ex privatis oratoriis, quæ in monachorum granciis sita sunt (3). Subsunt autem Episcopi visitationi Ecclesiæ omnes, etiam exemplitæ, atque etiam regulares, quæ conjunctam habent curam animarum (4); itemque commendata monasteria, etiam Abbatæ, Prioratus, Præposituræ, ubi non viget observantia regularis; præterea beneficia tam curata, quam non curata, sacerdaria et regularia, qualitercumque commendata, etiam exempta (5); Parochiales annexæ Ordini Hierosolymitano (6); hospitalia, nisi sub immediata Regum protectione sint (7). Nam quæ Episcopus ordinario jure visitare non potest, qualia sunt loca exempta, ea visitat jure delegato.

(1) Vide Benedictum XIV, loc. mox indicat.

(2) Consule Fagnanum ad c. 15 de Censib. exaction. et Giraldum Exposit. Jur. Pontific. par. 1 l. 3. Decretal. tit 59 pag. 403.

(3) Cap. 27 de Censib. exaction. Quæ decretalis consensu omnium interpretum Juri Canonici, ad quæcumque privata oratoria traducitur, uti testatur Fagnanus in cit. cap. 47.

(4) Concilium Tridentinum sess. 23 de Regul. c. 11, Gregorius XV Constit. Inscrutabili 50 §. 4. Bullar. t. 5 par. 5 p. 4.

(5) Concilium Tridentinum sess. 7 e. 8 et sess. 21 e. 8 de Reform. Vide etiam ea de re decretum *Ut in parvis* 181. Innocentii X, Bullar. t. 6. par. 5 p. 270.

(6) S. Pius V. Constit. Exposeit 187. Bullar. par. 5. t. 4 pag. 480.

(7) Concilium Tridentinum sess. 22 c. 3 de Reform.

8. Visitantur etiam ab Episcopo quotannis monasteria mo-

nialium (1); sed tunc nullam ipse procurationem accipit, nisi quod in earum Ecclesiis beneficium sit (2).

(1) Clement. 2 de Stat. monachor. Concilium Tridentinum sess. 25 c. 9 de Regul. Late hoc argumentum persequitur Giraldus Exposit. Jur. Pontific. par. 1 l. 3. Decret. tit 55 sess. 562 p. 572 et seq.

(2) Saer. Congregatio Concilii in Volaterranae 12 Novembr. 1658 l. 16 Decretor. p. 106.

9. Denique Episcopus jure Decretalium habet portionem canonica, scilicet, quartam partem earum rerum, quæ Ecclesiæ, aut alii pio loco relinquuntur (1). Sed hodie fere ubique haec portio consuetudine sublata est, cum non amplius Episcopi gravii illa premantur inopia, cuius gratia initio ea concessa fuit. Si qua tamen regio est, in qua portio canonica adhuc obtinet, non eam pendant loca pia, et monasteria exempta, quoniam soluta sunt lege diœcesana, unde illa procedit (2); neque penditur ex piis legis, quæ pro aniversario, pro Ecclesiæ fabrica, ceterisque similibus relicta sunt (3).

(1) Cap. 14 de Testam.

(2) Consule Giraldum l. c. tit. 27 sect. 481 p. 515.

(3) Cap. 20 de Testam.

## TITULUS XVI.

### DE DECIMIS.

1. CLERICORUM OBVENTIONES, ET EMOLUMENTA.—2. DECIMÆ QUO JURE APUD CHRISTIANOS DEBITÆ?—3. QUANDO SOLVI COEPTÆ?—4. PRÆDIALES, PERSONALES, MIXTE.—5. EARUM DISCRIMEN.—6. CONSUETUO PRESENTIM IN DECIMIS SPECTANDA.—7. CUI SOLVENDÆ DECIMÆ?—8. DECIMÆ AN A LAICIS ACCIPI POSSINT?—9. A QUIBUS SOLVENDÆ DECIMÆ?

NUNC ad ea transgredimur, quæ ceterorum clericorum propria sunt; et hoc spectant decimæ, primitiæ, oblationes, quotidiane distributiones, quæ ordinariæ, quæque extraordinariæ vocantur, voluntarie denique, et honorariæ largitiones pro benedictionibus, sacrificiis, sacramentis, aliisque bonis Christiano populo tribuendis. Non omnibus quidem omnes clerici fruuntur, sed alii aliis pro emolumentorum, clericorumque discrimine.

2. Apud Hebreos Levitis, et Sacerdotibus Divina lege debitas fuisse decimas, hoc est, decimam partem fructuum terræ, et

pecudum, inter omnes constat (1). Jure Evangelico ad alendos clericos nullae indictæ sunt decimæ; tantum Christiani jubentur Ecclesiæ ministris præbere necessaria ad vitam honeste, ac decenter traducendam (2). Itaque Divini quidem juris est, quod iis qui altari ministrant, necessaria vita subsidia præbeantur (a); non item, quod ea de causa detur decima pars fructuum terræ, et hoc quidem modo decimæ ad jus Divinum referri non posunt (3). Nam Ecclesia constituit modum, quo ejus ministri aliendi sunt; nihil autem interest, sive id per decimas, sive per alias præstationes fiat.

(1) Prima, quæ in sacris libris occurunt, decimarum exempla, sunt Abrahami decimæ e manubiis omnibus devictorum ab eo Regum, quas ipse Sacerdoti Melchisedeco persolvit. Gen. XIV. 20. Imitatus hanc avi pietatem Jacobus omnium, quæ sibi in Mesopotamia acquirenda essent, decimas Deo offerendas vovit, Genes. 28. 22, quam fidem ab itinere reducem liberare nemo dubitat. Denique Mosaica lege in Levit. 26. 50, jussi sunt Hebrei decimas persolvere; et tunc quidem decimæ Levitis, et Sacerdotibus Dei mandato deberi cœptæ sunt.

(2) Matthæus X. 10. Lucas VIII. 3, X. 7. Paulus 2 ad. Corinth. IX 7, 9. 10, 11, 15, 14.

(a) (N. S.) In hoc sensu usurpandum est id quod dicitur in Syn. Valent. an. 1565, sess. 5 tit. 4 cap. 16, et in Compil. Tarragon. Lib. 3 tit. 18 cap. 3, nimirum, quod decimarum solutio jure Divino, et Ecclesiasticis legibus præcipitur.

(3) Divinum præceptum solvendarum decimarum morale fuisse, nonnulli existimant, unde conficiunt, nunc etiam divina lege à Christianis decimas esse solvendas. Rectius S. Thomas 2. 2 q. 87 art. 4, decimas divino jure à Christianis deberi affirmat, si earum nomine comprehendimus alimenta, quæ clericis debentur, negat autem, si eo vocabulo decimam illam partem fructuum, et reddituum intelligimus. Sic ex se patet, inquit, quod ad solutionem decimarum homines tenentur, partim quidem ex jure naturali, partim etiam ex institutione Ecclesiæ: quæ tamen, pensatis opportunitatibus temporum, et personarum, posset aliam partem determinare. Et merito Concilio Constantiensi sess. 8 c. 200 t. 3 coll. Harduini, damnatus est articulus 18 Joannis Wiclefi, ajentis, quod decima sunt pure eleemosynæ, et Parochiani possunt propter peccata suorum Prælatorum ad libitum suum eas auferre. Nam decimæ, tamquam alimenta Ecclesiæ ministris debita, ab ipso divino jure procedunt. Consule Bellarminum de Cler. I. 1 c. 25 §. Quod non sit morale opp. t. 2. p. 157 ed. Ven. 1721. Gonzalez in cap. 52 §. 1 de Decim., Coterelium in const. Apostol. I. 2 c. 55 not. 4 t. 1 p. 248 ed. Amstel. cit.

3. Hinc prioribus Ecclesiæ singulis neque Christiani decimas solvebant, neque ulla lex erat, quæ hanc solutionem imperaret (1). Clerici vivebant ex oblationibus, quas fideles sua sponte in Ecclesiam conferebant; adeout nihil opus esset decimas indicare, ut ex iis clerici victum, et cultum obtinerent. Imminuta

fidelium largitate, cum non omnia Ecclesiæ, ejusque ministris sponte à fidelibus præberentur, institutæ sunt decimæ, tum Patrum hortationibus (2), tum Ecclesiæ legibus (3), quibus eas Christiani solvere jussi sunt.

(1) Cyprianus de Unit. Eccles. p. 85. ed. Amstel. 1700, diserte testatur, nullas sua ætate decimas fuisse solutas; et Ep. 1 p. 170 de Hebræorum decimis disserens, Quæ nunc ratio, inquit, et forma in clero tenetur, ut qui in Ecclesia Domini ordinatione clericali promoventur, in nullo ab administratione Divina avocentur, nec molestiis, et negotiis sæcularibus alligentur, sed in honore sportulanum fratrum, tanquam decimas ex fructibus accipientes, ab altari, et sacrificiis non recedant. Quo ex loco perspicuum est, ætate Cypriani sportulas decinarum locum obtinuisse. Idem etiam deprehendi potest ex Origine Hom. 11 in Numer. n. 2 p. 305 opp. t. 2 ed. Paris. 1733. Adde alterum, quod tribus prioribus sæculis de solvendis decimis ubique silentium est.

(2) Adeundi sunt Auctor constit. Apostolic. I. 7 c. 29 et I. 8 c. 20 apud Coterelium PP. Apostolic. t. 1 p. 375 et 416 ed. cit. Hieronymus in Malach. c. 3. vers. 7, 8 et seq. col. 978 et seqq. opp. t. 6 ed. Veron., Augustinus Comm. in psalm. 146 n. 17. opp. t. 4 col. 1648 ed. Ven. cit. Chrysostomus Hom. 4 in Ep. ad Eph. opp. t. 11 p. 51 ed. Par. 1754.

(3) Concilium Matriceonense II. can. 5 apud Labbeum t. 6 Conc. col. 674 seq. Cabilonense II. can. 49, t. 9 col. 365., Turonense an. 813 can. 16 col. 351 ib. Moguntiacense an. 888 can. 13 t. 11 col. 586. Confer etiam Capitularia Regum Franc. cap. de Part. Saxon. c. 16 et 17 apud Baluzium t. 1 col. 185 et capit. an. 804 c. 2 col. 291 ed. Ven. 1772.

(N. S.) In Hispania jam olim *Decimarum* meminit Syn. Palent. an. 1129, *Decret.* 2; sed uti communem Christiano populo legem, impositam ipsis prædiis, adjectam supponit Jo. Cardin. Sabin., Legatus in Conc. Ilerd. an. 1219, in Compil. Jo. Teres lib. 3 tit. 18 cap. 1: eamque primo agnovit Alphonsum Sapiens ad annum 1255 Leg. 4 tit. 5 lib. 1 *Fori Regii*; dein Syn. Pennafid. an. 1502 cap. 7; ac reliqua inde celebrata Concilia.)

Quæ à regnicolis Script., in diversas de *Decimarum* apud nos origine sententias discedentibus, memorie prodita sunt, longum esset, nec necessarium indicare. Doct. Jo. Varela, Lucensis olim Ecel. canonicus Doctoralis, præcellentissimi opusce., quod 1837 edidit sub titulo: *Del Diezmo y Rentas de la Iglesia*, eam questionem ex professo tractat: ac decimas in Hisp. memoratas tenet sæculo VI. Tolet. Conc. III, maxime can. 4.

Ut breviter quæ de proposito probilius habemus, exponamus, decimarum primam isthac mentionem haberi censemus Cathalaunice ecclesiistarum respectu, quum Maurorum jugo oppressa Hispania, ea provincia Galliarum Regibus paruit, quidquid in contrarium affligerent Barcinonensis Masdeu, critici cognomento non sat, ut opinamur, dignus, et qui ejusdem assertis subscriptis, Hisp. Ecel. Antiquitatum illustrator, edit. Matri. 1829, p. 155; ut alios omitimus Hanc, cui adhæremus, sententiam aperte profitetur Auct. libri: *Historia de las Rentas de la Iglesia de España*, Matri. 1793, pag. 199 et seq., cuius eu verba: «nundada España por los Moros, no solo se trastornaron los límites políticos de las provincias, sino tambien los eclesiásticos; pues vemos que á principios del siglo IX reconocian los sufragáneos de Tarragona por metropolitano al arzobispo de Narbona, y por príncipes á los reyes de Francia. En este reino estaba introducida la costumbre de pagar los diezmazos desde

el siglo VI; y en el VIII confirmó Carlo Magno el decreto de los PP. de Macon, ordenando que todos sus vasallos los pagaran. Desde entonces cobraron los diezmos las iglesias comprendidas en la Marca española; segun insinúa el privilegio concedido al monasterio de Santa María de Alaon en el año 852, y la Real cédula expedida en favor del obispo de Urgel por Ludovico Pio en el año de 856. Laudat nostras scriptor Card. Aguirre *Conec. Hisp. cum Catalan.*, tom. 4 pag. 429.

Nuper vero Auct. operis: *Curso de Historia y disciplina particular de la Iglesia de España en los puntos principales de su gobierno*, tom. 2, App. pag. 152 et seqq., plura, ac summe attendenda monumenta assert, ex quies apparel, *decimas in Catalonia exitisse saeculo VIII*; eorum enim datae inter an. Dni. 792 (aut 96), et 905 consignantur.

Quod ad reliquas Hisp. Eccl. attinet, *decimorum mentionem* habemus Compostellæ an. 1040 in S. Jacobi ecclesiæ consecratione, ex ipso *Villodas* p. 134, 1086 Alphonsi VI edicto ib. citato, Urbani II epistol. ad Petrum Oseensem 1098, qui primus Pontifex *decimas ac primarios*, Hisp. Eccl. respectu, memorasse dicitur: et, quantum ad Castellam, habetur Syn. Palentinae decretum an. 1129, à Selvagii Adnotatoribus citatum.

V. legg. tit. 20 *Partitæ 1.*

¶. Jam vero decimæ vel prædiales, vel personales, vel mixtæ sunt. Prædiales debentur ex fructibus, sive redditibus prædiorum tum urbanorum, tum rusticorum; et harum quidem aliæ majores, aliæ minores, et minutæ, aliæ novales appellantur. Majores sunt, quæ ex frumento, vino, fæno, aliisque uberioribus fructibus, minores, quæ ex leguminibus, et oleribus, novales (1), quæ penduntur ex prædiis, quæ recenter ad culturam redacta sunt, cum antea frugifera non essent. Personales (2) solvuntur ex rebus, quas sibi quisquis acquirit opera, et industria sua, veluti ex lucro honestæ negociationis, militiæ, venationis. Mixtæ denique partim prædiales sunt, et partim personales, quippe quæ ex rebus quidem ipsis, sed nonnisi adhibita industria percipiuntur. Hujus generis sunt fætus pecorum, lac, lana, cetera similia.

(1) Terra præcisa, quæ anno cessavit, vel silva, quæ avulsis arboribus, ad culturam redata est, terra novalis dicitur Leg. 50 ff. de Verb. signific. Leg. 5 §. 2, ff. de Termin. mot. Memorat hanc Juris Civilis interpretationem Innocentius III. in cap. 21 de Verbor. significat., cum statuit, novale esse intelligendum *agrum de novo ad cultum redactum, de quo non extat memoria, quod aliquando cultus fuisse*.

(2) Ætate Augustini nondum decimæ fixæ, ac perpetua lege constitutæ fuisse videntur; sed ipse tamen, Enarrat. in psalm. 146 n. 17 col. 1648 t. 4 ed. cit., vehementer Christianos hortatur, ut reales ac personales decimas solvant. *Præcidite, inquit, aliquid, et depulite aliquid fixum vel ex annuis fructibus, vel ex quotidianis questibus testris.* Sequenti tamen saeculo, quo vivit S. Cæsarius Arelatensis, non reales solum, sed etiam personales decimæ obtinebant; nam ipse Serm. 277 inter opp. August. in App. col. 460 t. 5 par. 2 diserte memorat decimas ex quotidianis questibus, item de militiæ,

*de negocio, de artificio.* Falsus igitur est Van Espenius *Jus eccles. univers.* par. 2 tit. 53 c. 1 n. 51 et seq., qui personalium decimarum originem Caletino III. adscribendam putat; et insignis est calumnia Justi Henningii Boemerii, inst. Jur. canon. 1. 5 tit. 5 §. 3, reprehendentis Romanos Pontifices, quasi ipsi jus decimarum plus æquo explicaverint, quod personales decimas instituerunt.

(N. S. Gregorii IX decreto jus generatim inductum est, de omnibus, etiam de personalibus lucris, decimas deberi. Id quod primo servandum in Hispania sanxit Syn. Pennafid. cap. 7: « Ordinamus, ut omnes Parochiani de suis prædiis, et prædiorum cultis, ac arborum fructibus, et de aliis natura, vel cultura humana ex terra nascentibus, necnon et de animalibus, insuper..., et de omnibus aliis licite adquisitis, Decimam, tanquam portionem Domini, eam Ministris Christi sine qualibet diminutione persolvant. » Ae dein Syn. Tolet. an. 1325 cap. 15, et Salmant. cap. 5 §. finali. At *personalium decimarum solutio* vix in quibusdam Hispaniarum populis remansit.—*Decimarum species* recenset Valent. Syn. 1565 p̄f. cap. 16 )

5. Inter prædiales, ac personales decimas non unum discrimen est. Nam prædiales debentur, non deductis impensis; (a) et vero debentur Parocho, cuius in parochia sita sunt prædia, unde illæ percipiuntur (1); cumque ipsis prædiis adhærent, ab omnibus, qui prædia habent, etiam infidelibus, solvendæ sunt (2). Verum decimæ personales tantum à Christianis solvuntur Parocho, à quo ipsi sacramenta accipiunt, ex iisque impensæ in rebus parandis factæ detrahuntur (3). Illud commune est ultrisque decimis, quod non deducitur, quod necessario ad res conservandas impeditur (4).

(a) \*Compil. Tarragon. lib. 3, tit. 18 cap. 3.

(1) Cap. 7, 15, 22 de Decim.

(2) Cap. 16 eod.

(N. S. Id quod de prædiis, quæ prius fuerant Christianorum, et de Nonibus constitutum est in Compil. Jo. Teres Lib. 3 Tit. 18, cap. 2. Immo ad decimas solvendas censuris possunt Christiani compelli: Cap. 5, et 6 de Decimis, et Leg. 5 Titulo 19 Partit. 1; et quidem ante deductam Regularibus Mendicantibus tribui solitam elemosynam: Sanct. 1 Tit. 5 Lib. 1 vulgo *Autos Acordados*. Quinimmo jure communii etiam Monachos, et Regularis ad decimas solvendas teneri, certuu omnino est; Cap. 4 ibid.: et quidem integre: Syn. Vallisolet. Cap. 12, his verbis: « Ut fraudes, quas diversis modis Religiōsi in-dandis decimis animalium, et novalium adhibent, à Praelatis, et Ecclesiarii Rectoribus cautius evitentur, statuimus, ut postquam Religiōsi per Diocesanos requisiti fuerint, super fraudibus hujusmodi nullatenus adhibendis, Religiōsi ipsi, qui hujusmodi fraudes commiserint, in Syndicis Episcopaliis, et in majoribus locis ipsarum Diocesum excommunicati publice denuntientur. Et nihilominus Praelati Constitutionem felicis recordationis Domini Clementis Papæ V, quæ incipit: *Religiōsi quicumque, super hoc editam, cum diligentia exsequantur.* » Quod et Reges nostri ratuū habuerent: Leg. 2 Tit. 6 Lib. 1. Novis. Compilat.)

V. Cl. Auctor. huj. tit. §. 9 not. 6.

(3) Cap. 20 et 28, eod.

(N. S.) Ad rem Syn. Salmant. præf. cap. 5: « Quum Decimæ Ecclesiæ debentur illi, in cuius Parochia prædia excoluntur, nisi ab alia Ecclesia per præscriptionem debitam sint substraetæ, præsenti decreto sancimus, quod qui semel alicujus Ecclesiæ Parochianus fuerit, alterius fieri non possit, nisi domicilium totaliter in alterius Parochiam transferendo, et tunc personales Decimas illi solvere teneatur Ecclesiæ, in qua receperit Ecclesiastica Sacra-menta; prædiales vero solvat illi, in cuius Parochia sunt prædia situa, nisi aliud de consuetudine præscripta legitimate obseretur. » Reges nostri plures in surripientes, retinentes, et fraudantes decimas, penas infixere: *Leg. 1, 2, et 6 Lib. 1 Tit. 6 Novis. Compilat.* At in Supremo Castellæ Senatu admittendum voluere recursum adversum exigentes decimas ex his fructibus, ex quibus solvi antea non consueverunt: *Legg. 7, et 8 ibid.*)

(4) Cap. 28 mox laud.

6. Leges hæ sunt Decretalium jure generatim constitutæ. Sed recepti populorum mores sæpe has leges abrogarunt; et hinc spectandæ sunt singularum Ecclesiæ consuetudines, ut noscatur, à quibus decimæ pendendæ sint, quid item, et quibus eas solvere oporteat. Nimis posteaquam clericis aliis bonis atque redditibus parata sunt ea, quæ suppeditant ad cultum, et ad victum, paulatim decrevit solutio decimarum; et nunc multis in locis neque decimæ prædiales ex prædiis urbanis, neque personales solvuntur (1). Quin nec ex omnibus quidem terræ fructibus detrahuntur decimæ, neque solvitur decima eorum pars, licet adhuc decima appelletur, et multæ etiam regiones sunt, in quibus decimæ prorsus exoleverunt.

(1) Consule Giraldum Exposit. jur. pontificis. par. 1 decret. l. 3 sect. 503 p. 551.

7. Decimæ debentur Parocho (1); sed tamen ab aliis quoque clericis, aut Ecclesiis acquiri possunt, vel privilegio Summi Pontificis (2), vel præscriptione annorum quadraginta cum titulo, sine titulo vero, præscriptione temporis, quod hominum memoriam supereret (3). Novales vero, ac minutæ, ubi hæ vigent (4), decimæ semper Paroche reservatae censemur; ne is, cui animarum cura commissa est, graviori damno afficiatur. Et quamquam laici jure ipso exigendi decimas, quod proprium clericorum est, potiri nequeant; tamen res ipsas, quæ decimarum nomine penduntur, habere possunt (5), modo justa causa præsto sit, et Romani Pontificis accedat auctoritas (6).

(1) Concilium Cabilonense II. can. 19 apud Labbaenii t. 9 col. 563 ed. Ven., et Metense an. 888 can. 2 t. 11 col. 595.

(2) Multa extant exempla decimarum, quæ à Sede Apostolica Monasteriis, et capitulis concessæ sunt. Eas memorant, et probant S. Petrus Damiani t. 3 opusc. 33 c. 5 p. 252 ed. Paris. 1664; Ivo Carnotensis ep. 192 p. 85 ed. Paris. 1647; S. Thomas 2, 2 q. 87 art. 5. Vide etiam regulam Templeriorum c. 66 ap. Holsteiniū cod. regul. t. 2 p. 440 ed. cit.

(3) Cap. 4 et 6 de Præscript. in cap. 1 eod. in 6.

(4) Minutæ decimæ plerisque in locis obsoleverunt.

(5) S. Thomas 2, 2, q. 86 art. 5.

(6) Interdum Summus Pontifex ad tempus imponit decimas beneficiorum propter aliquam necessitatem, vel publicam Ecclesiæ utilitatem, atque eas solvi mandat alicui Principi, qui Ecclesiæ defendit. Tunc autem consti-tuuntur collectores, et subcollectores, qui has decimas colligant. Vide Clem. 2 de decim., et extravag. unic. int. commun. eod., et vide etiam Gonzalez in cap. 19 de decim. n. 4, ubi memorat decimas à Sede Apostolica concessas Regibus Hispaniarum.

(N. S.) Regibus Catholicis plura à saeculo XIII indolta sunt privilegia decimas percipiendi. Episcopus Valentinus, annuente Metropolitanâ Tarracensi, Jacobo I. Aragonie Regi, et successoribus, in feudum perpetuum concessit, 4 Nonas Novemb. an. 1241, tertiam partem omnium decimarum piseationis, et fructuum Valentine Diœcesis, exceptis possessionum Decimis, quæ ad Milites Clericos, vel religiosa Loca pertinerent. Tum ob eandem causam Clemens V. Constit. *Olim claræ memoriæ*, indulxit Alfonso IV, ut ad triennium percipere posset, ab Ecclesiis intra staurum ditionum limites existantibus, binas partes tertiae portionis decimarum, vulgo *Tercias Reales*: quam quidem concessionem Alexander VI in perpetuum extendit, Bulla: *Dum indefensa*, die 26 Februario an. 1494, et ad extingendas omnes penitus controversias, quæ exortæ erant, sua confirmavit Pragm. Sanctione Philippus II, die 30 Martii an. 1565, *Leg. 1 Tit. 7 Lib. 4 Novis. Compilat.* Tum etiam Pius V, ad quinqueannum Philippo II, die 21 Maij an. 1571, ac dein Benedictus XIV, in perpetuum Ferdinando VI, die 6 Septembris an. 1757, concesserunt decimas ex majori uniuscunusque Parochiæ domo, vulgo *Casa Mayor Dezmera*, quæ quidem gratia cessare debet semel ac stabiliter *Unica Contributio*, ex præf. Constit. Benedicti XIV. Demum præf. Benedictus XIV, die 20 Julii an. 1749, concessit Ferdinandu VI perceptionem decimarum ex omnibus terris recens excutitis, quæ *Novales* adpellantur.—In Indiarum Regionis omnium percipiendarum decimarum jus ex Apostolica concessione obtinuerunt Reges nostri: *Leg. 1 Tit. 16 Lib. 4 Recop. Indiar.*; sed tertii, siue duabus notis partibus sibi tantummodo reservatis, metallorum, et gemmarum decimas integre percipiunt: *Lege 14 ibid.*)

Alias super decimis concessiones, maxime à Pont. Pio VI, ac Pio VII, habitas, memorant legg. lib. 4 Novis. Compilat. tit. 6, inscripto: *De los diezmos y novales*. Vid. quoque tit. ibi proxime sequentem: *De los dos novenos ó tercias Reales de los diezmios*.—Nemo nescit an. 1837, Hisp. Gubern. sanctionibus, suppressam eam, de qua nunc sermo est, præstationem:

8. Verum mediis sæculis, in summa rerum confusione, laici, ut multa ecclesiastica bona, ita etiam decimas usurparunt, easque jure feudi retinuerunt, adeout in commercio essent, et in hæredes transirent (1). Interim Parochi carebant suis redditibus, quibus semelipsos, et pauperes sustentarent, neque decimarum

possessores ea, quæ debebant, Ecclesiæ servitia præstabant. Itaque actum est, ut sacra præda ex laicorum manibus extorqueretur; sed operosum id erat, neque convenire visa sunt extrema remedia, quibus illi exasperarentur. In concilio Lateranensi III (2) prohibiti sunt laici novas decimas acquirere, et antiquas, quas habebant, in laicos transferre, tum generatim moniti, eos sine animarum suarum periculo decimas retinere non posse, sed adversus illos, qui eas retinerent; nulla pœna indicta est. Denique usu potius, ac silentio, quam lege ulla scripta toleratae sunt decimæ, quas antea laici jure feudi obtinebant, novarum tamen acquisitio prorsus vetita; et hodie recepta sententia est, eas tantum decimas infudatas à laicis recte detineri, quæ ante Lateranensem synodum acquisitæ sunt (3).

(1) Occupata à laicis bona, ac decimæ Ecclesiæ et Altaria diebantur, quorum turpe, quod calamitosis iis temporibus à laicis fiebat, commercium damnant Paschalis II. et Gregorius VII. can. 13 et 14 caus. 1 q. 3. Confer Petrum de Marca in can. 7 conc. Claromont. Fr. Florentem in c. 1 et 2 de Jurepatr., et Muratorium diss. 72 et 73 Antiq. Italie.

(2) Cap. 10 de Decim.

(N. S. Syn. Palent. an. 1129, *decret.* 16, constituit, quod «laici terrias ecclesiistarum seu quacumque oblationes nulla ratione possident; sed in dispositione Episcoporum, cuncta, quæ Ecclesiistarum fuerint, habeantur. S. Raymund. de Pennafort *Summ.* lib. 1. pag. 129 »)

(3) Quod Concilium Literanense III. non expresse statuat, restituendas esse decimas, quas laici detinebant, neque ullam in ipsis pœnam constituat, sed tantum illas in laicos transferri, ac novas acquiri vetet, plerique in eam venere opinionem, quod ea Synodus integras laicis reliquerit decimas, in quarum antea possessione versabantur. Hinc orta communis opinio, laicos retinere posse infudatas decimas, quas ante illam Synodum obtinebant. Sed recte observat Ludovicus Thomassinus *Vet. et nov. Eccl. discipl.* par. 51. 1 c. 11 n. 7 et seq., Concilium Lateranense III numquam laicos antiquas decimas permisso, cum satis diserte dicat, eas laicos sine *animarum periculo detinere* non posse. Hinc Odo de Saliacon Parisiensis Episcopus, viginti circiter post annos, quam Lateranense Concilium habitum fuerat, in suis constitutionibus Synodalibus n. 18 delect. act. L 1 col. 1257, *Frequenter*, inquit, *moneantur laici, ut non retineant decimas, quas in periculum animarum suarum retinent*. In Concilio Lateranensi IV. multa de decimis sancita sunt, præsertim contra illos, qui eas usurpabant, sed nullum decretem est, quo laici restituere cogantur decimas, quas tunc obtinebant. Imo Innocentius III, quo Pontifice Lateranense illud Concilium habitum est, non improbasse videtur decimas, quæ à laicis jure feudi retinebantur, uti patet ex prima collect. tit. 11 t. 1 p. 565 et 566 ed. Baluzii Paris. 1682. Cum enim capitulum Suessonense earum decimarum redimendarum facultatem postulasset, eam dedit Pontifex adjecta lege, ut capitulum ea, quæ præstabant vetusti decimarum possessores, Ecclesiæ servitia præstaret. Non hic Ecclesia restitui jubentur decimæ infundatae; imo vero probatur contractus, per quem illas capitulum à laicis acquisiverat, et confirmantur servitia, quæ antea laici propter decimas

præstabant, et quæ in posterum capitulum præstare debet. Clarius ipse Innocentius III. in cap. 25 de decim. memorat decimas in feudum concessas, neque eas improbat. Ita cum omnes, quæ ferebantur, leges novas tantum decimas à laicis acquiri vetarent, sed decimas jam infudatas non improbarent, invaluit opinio, quod laicis vetitum esset novas decimas acquirere, contra ipsis illæ essent permittende, quibus jam tunc fruebantur. Medio seculo XIII. Alexander IV. in c. 2 §. sane de Decim. in 6, postquam statuit, Regulares posse cum Episcopi consensu decimas à laicis detentas accipere; illas autem, inquit, decimas intelligimus posse taliter à Religiosis de manibus laicorum recipi, vel acquiri, quæ ante Lateranense Concilium ipsis laicis in feudum perpetuo fueræ concessæ. Non hic declarat Alexander, quod Lateranense Concilium intelligat, sed tamen Juris Canonici Interpretæ intelligendum putant Concilium Lateranense III., quod Alexandro III. Pontifice habitum est. Hinc recepta ubique regula, laicos retinere posse decimas infudatas, modo eas ante Concilium Lateranense III. obtinuerint. Illud non omitteram, quod post Pontificatum Innocentij III. abstinuere se Concilia à repetendis antiquis decimis, quas jam laici habebant, quod et ex Tridentina Synodo confirmari potest. Quamquam enim statut, ut *qui decimas impediunt, aut subtrahunt, excommunicentur* sess. 25 c. 12 de Reform.; tamen sess. 25 c. 18 de Reform. agens de redditibus idoneis Episcopali seminario paradis, aliquid conferri jubet à laicis, qui Ecclesiæ decimas obtinent: *etiam ex decimis quacunque ratione ad laicos, ex quibus subsidia ecclesiastica solvi solent, pertinentibus.*

9. Solutio decimarum omnes generatim obstringit; quin etiam excommunicationis pœna constituta est adversus eos, qui decimas subtrahunt, aut impediunt (1). Multi autem eo onere soluti sunt, vel privilegio Summi Pontificis (2), vel præscriptione annorum quadraginta cum titulo: sine titulo vero, præscriptione temporis, quod supra hominum memoriam est (3); vel pacificis conventis, et voluntaria remissione, quæ cum perpetua est, Summi Pontificis auctoritatem postulat (4). Clerici decimas pendunt ex bonis, quæ hæreditate, legato, donatione, aut simili contractu acquisiverunt, non item ex bonis, quæ habent titulo spirituali, puta beneficij (5); Regulares autem ex prædijs, quæ pridem suberant oneri decimarum, antequam ad eos pervenient (6).

(1) Can. 5 caus. 16 q. 7, c. 5 de decim., Conc. Trident. sess. 25 c. 12 de Reform.

(2) Cap. 24 ibique Glossa verb. Exemptus de decim.

(3) Cap. 15 de privileg., cap. 4, 6, 8 de præscript., cap. 1 eod. in 6.

(4) Cap. 8 de Transact.

(5) Cum in cap. 2 de Decim. Paschalis II. decimas à clericis primum solvendas neget, ac deinceps affirmet, hinc variae editæ sunt ab interpretibus explanationes, ut omnis, quæ forte in hac sententia inesse videtur, pugna removeatur. Verior, et ab omnibus fere recepta interpretatio est, quam tradit *Glossa*; videlicet, clericos non teneri decimis ex bonis spirituali titulo

acquisitis, puta beneficii, teneri autem ex bonis, quæ testamento, aut contractu obtinuerunt, et ex quibus, antequam ea venirent ad clericos, decimæ solvebantur; quanquam eorum bonorum titulo promotus quis fuerit, nisi aliud legitima consuetudine inductum sit, ut declaravit Congregatio Concilii in Marsicana, 12 Augusti 1651 l. Deér. 19, p. 143 et in Usselen, Decimatum 11. Maii 1658 l. 21 p. 248. Atque id generatim obtinet, etiamsi clerici ab ipso Parocho sacramenta non accipiant, ut respondit eadem Congregatio Concilii in Feretranæ, 19 Januar. 1656 l. Deér. 15 p. 5 10 et in Hortana Decimorum, 25 Septembr. 1694 lib. 44.

(6) Extant in cap. 10 et 11 de *Decim.*, privilegia Sedis Apostolicæ, per quæ Regulares liberantur ab onere solvendarum decimarum ex prædiis, quæ propriis manibus, atque impensis colerent. Verum Innocentius III. in Concilio Lateranensi VI, Cap. 54 de *Decim.*, sancivit, ut cuncti Regulares decimas solverent ex prædiis deinceps acquisitis, ex quibus ante decimæ solvebantur, quanquam ea ipsorum Regularium labore, et sumptibus fructuosa sint. Secundum hanc *Decretalem*, à Congregatione Concilii in Pamplonen, decimatum, 21 Augusti 1728, in Thesaur. resolut. t. 4 p. 215 et t. 6 p. 29 et seq., responsum est: *quod Regulares non habentes in privilegiis expressam derogationem Cap. Nuper, teneantur solvere integras decimas, exceptis bonis, et rebus præscriptis in cap.* Ex parte 10 de *Decim.* Hodie igitur Regulares omnes soluti sunt lege tribuendarum decimarum, tum personalium, tum realium, quæ dari deberent ex fructibus hortorum suorum, nutrimentis animalium, atque ex novalibus, quæ fiunt ex terra prorsus inculta, quam ipsi proprio labore, sumptuque colunt; non item ex fundis decumani, qui ad eos cum tali onere delati sunt, nisi etiam pro his peculiare privilegium obtinuerint, ut etiam declararunt Alexander IV, in cap. 2 §. *Ceterum de Decim.* in 6, et Innocentius X, Const. *Nuper pro parte*, 53 Bullar. t. 6 par. 3 p. 79. Consule Passerinius Comment. ad l. 5 *Sexti Decret.* tit. de *Decim.* q. unic. art. 15 per tot.; Card. Petram ad *Const. Apost.* t. 4 in Const. 8 Martini V, p. 245; et Gaudentium à Janua, de Visit. ejusdemq. Prælar. t. 4 c. 5 dub. 15 sect. 6.

## TITULUS XVII.

### DE PRIMITIS, OBLATIONIBUS, CETERISQUE TEMPORALIBUS BONIS CLERICORUM.

4. ET 2. PRIMITÆ QUOMODO APUD HEBRÆOS, QUOMODO APUD CHRISTIANOS DEBITÆ?—3. OBLATIONES QUID?—4. AD 6. EARUM DISTINCTIO.—7. CUI ADSCRIBENDE OBLATIONES?—8. DISTRIBUTIONES QUOTIDIANÆ.—9. DE HIS TRIDENTINI CONCILII DECETUM.—10. QUI DISTRIBUTIONES ACCIPIUNT?—11. PORTIO CONGRUA.

¶

**P**RIMITIÆ sunt: rerum primi fructus, qui Deo offeruntur. Apud Gentes omnes vetustissimi instituti est primitias Deo offerre, et consecrare. Hebrei vero Divina etiam lege primitias dabant, quarum tamen modus, et ratio potius moribus, quam lege ipsa erat constituta (1). Inter Christianos, primitiæ ante ipsas decimas

obtinere cœperunt; et vero antiquissima sunt monumenta, unde intelligimus, Christianos primitias rerum suarum præstare consueuisse (2).

(1) Consule Hieronymum in Ezechiel. c. 45 vers. 15 et 14 opp. t. 5 col. 565 ed. Vallarsii Veron.

(2) Origenes contr. Cels. l. 8 n. 24 p. 766 t. 1 ed. Paris 1753; Irenæus l. 4. contrâ Hæreses c. 17. p. 219 ed. Paris, 1710; Auctor canon. Apostol. can. 5 et const. Apostol. l. 8 c. 40, uterque apud Cotelerium PP. Apostol., t. 1 p. 423 et 442 ed. Amstelaed. cit.

2. Dabantur primitiæ, non tantum ad agnoscendum Creatorem, sed etiam ad ministros Ecclesiæ sustentandos (1), erantque præsertim ex uvis, et frumentis (2), certaque extabat precum formula, quæ in earum benedictione adhibebatur (3). Nunc fere ubique primitiæ desierunt (4), ac si qua regio est, in qua adhuc eæ ex consuetudine tribuuntur, ex eadem noscitur, quid, et quantum dari debeat.

(1) In Synodo Gangreni in Praefat. collet. Harduini t. 1. col. 550 et seq. gravissime reprehendunt heretici Eustathiani, quod primitias fructuum Ecclesiæ olim datas sibi vindicasent, suisque adscripserint; et hinc duo emittuntur canones, quibus sub pena anathematis omnes prohibentur eos fructus Ecclesiæ oblatos accipere, aut dare extra Ecclesiam, præter Episcopi sententiam can. 7 et 8 col. 555 l. c.

(2) Concilium Africanum cap. 4 apud Pithœum cod. canon. Eccles. Roman. p. 444. ed. Paris. cit. S. Gregor. Nazianzenus Ep. 80 p. 855 opp. t. 1 ed. cit.

(3) Habet hanc formulam apud Auctoren constit. Apostol. l. c.

(4) Post sæculum V. vix ulla amplius mentio primitiarum occurrerit; tantum indicuntur in Concilio Hispalensi apud Ivonem in Decret. par. 5 c. 174.

(N. S. In Hispania primitias jam diu viguisse novimus; eas quippe Alfonsus, Aragoniae Rex, in voto Deo facto in honorem Ecclesiæ Valentianæ, à Cappellaniis, pro ipsorum sustentatione, et Ecclesiæ fabrica percipiendas, concessit anno 1741. Earumdem usum inductum jam supponit Rodericus Tellius in Syn. Tarragon. post an. 1291, in Compl. Jo. Teres lib. 5, tit. 18, cap. 2; et Alfonsus Sapiens confirmat, ac à veteri lege deductum putat leg. 1, et 2, tit. 19 Partit. 1; immo ad ipsas exolvendas censuris posse fideles compelli decernit leg. 5 eod. Ad nostra tamen tempora quantum spectat, Primitiæ, altera scilicet ex triginta fructuum pars, generatim in Hispania exsvoluntur, et fabrica Ecclesiærum deputantur. At plurimum hac in re consuetudini concedendum: leg. 4 ejusd.

\* Primitias in Hispania ante concilium Illiberitanum extitisse, generatim opinantur nostri scriptores, ac fructuum benedictionem, de qua in ejus Syn. can. 49 sermo est, ad propositum applicant. Ita M. Villodas, et Auct. libelli *Historia de las Rentas de la Iglesia de España*, pag. 50.

Primitiæ cum Decimis abolite fuere sanctionibus latiis an. 1837, antea indicatis; licet earum solutio, ut et Decimaru, per aliquod tempus prorro-